

九

篇

集

九齋前集詩目錄

卷之一

樂府

擬自君之出矣

明珠詞

少婦詞

計六首

採蓮曲

歌者有守嘲之

計八解

烏江詞

清明詞

古今詩集卷之四

遊湖詞

梅花詞

子規詞

白雪詞

擊犛詞

祠山寒

采葛詞

夜度娘

桃花怨

葵花詞

櫻桃行

楊柳詞

橘柚

楊柳

笠澤詞

計二首

洞庭子夜四時歌寄內

計十三首

白團扇

計二首

絲繒

續華山畿

二十首

趙宋樂府

渡江曲

風箏詞

清明詞

桃詞

石馬詞

相逢詞

郊馬詞

髮髻詞

楊柳詞

花瓶詞

金陵詞

桑葉詞

哀華川痛亡卒也

胡無人俱將來也

天上謹不忘危也

思婦吟憂國計也

促促曲有所思也

促促慢廣志意也

促刺行遠離別也

關山月哀征夫也

寒食詞

暮春詞

卷之二

五言古

懷歸

遊子吟

自嘲

代內

代內答

欲歸

過嚴灘弔子陵

遊燕

咏史

計三首

送周千侯歸合肥

卷之三

七言古

晚泊

離思

自金陵抵燕留別家從兄

送家二兄就試秣陵

送洪二北上

卷之四

五言律

酬洪二

遷居會月

遷後規叔父

至夜

夜境

燕寢

獨步

遠望

計二首

夢後

晚色

林屋洞

登高以遠望

洞真宮

桃花

遠況

秋夜遲月晉二座得松字

過沅河

歲暮

白下示洪二

春客

寄從兄述懷

計二首

月中寄洪二

春山同張大陳二

宿泖上塔同陳二送王大

憶別

與海門朱大

懷瑯琊王五

潤州夜自解

答陳二

蕪城病後得劉七信

不礙

燕邸感夢七首悼亡婦

觀兩臺閣視三營

再入長安

寒月

哭樂二

示焦三

題武安王廟

招從二兄飲

五言排律

春日周氏庄

卷之五

七言律

慰離

王甥諫詩酒

復書

野飲

試日

華山洞庭

新柳

洞庭花飲

洞庭登臺

晚步

登嶺

桃花

洞庭清明

洞庭寄諸大

洞庭携飲

南還

姑蘇道中

鄧大

寄樂二

又寄樂二

初妓

寄遠

思樂二燕中時

送從兄入南大學

支硎山懷趙二兼示上人

計二首

杜鵑啼

送劉太史奉太夫人歸豫章

鄭司馬經畧還朝簡寄兩公子

別陸三

上方山五聖行宮

仙子洞中有懷劉阮

劉阮重到天台不見仙子

題王大醉花庵

廣陵杏花村

迎春不值

廣陵寄從二兄

再遊長安

與周五

送劉侍御請告還豫章

計二首

歸來

歸燕

計二首

卷之六

五言絕

迎郎曲

哭友

照別

咏畫

計二首

採茶詞

遠思

題畫

記夢

古意

舟中

僧舍

遊武林口號

計四首

嚴灘

歸思

湖中兒女

山中古意

有題計二十四首

流間

花去

鶯語

問月

美人草

東望

松音

舉醕

茉莉

淚

約夢

想象

茶花

倚窓

鴈初

斷腸花

薤桂

臨檻

理髮

燈卉

鑪烟

待渡

行靄

私祝

卷之七

七言絕

旅況

臨風欲舉

七夕

言離

淚別

相顧

機杼

客雨

拜布袋和尚

寫夢

武林歸

答詩

月

美人

計四首

塞下曲

慰從兄悼亡

憶遠

旅恨

春不事

品詩

枕上得自愛兩字

示淨上人

蘸先君

春郊妓

送叔父遊燕趙

計四首

宮祠

金陵宮詞

計十五首

携飲

懷古

戲遊子

漁舟婦女

計四首

過虞姬墓

嘲歌者

計八首

徐三座有懷

懷震澤

畫衣妓者

計五首

悼亡新婦

計十首

感懷亡婦

計三首

滕縣月下觀美人走馬

棄婦有所思

計十首

閨門竹枝詞

計二十首

讀東坡禪喜集

感亡婦

舟泊虎丘感亡婦

戲白下廝養

瞽女琵琶

嘲少年

戲題

名花

祈雨後觀音上山

雜書

計十首

虜救噀逆敗遁

七里灘

戲水中人

記夢悼亡婦

再夢亡婦化爲黃鳥

有客守孤山

三營

計三首

代贈妓素蘭

計三首

秋事

寶應河舟碎戲舟中同行少婦

閒坐

歸自燕中

卷之八

調

望江南

詩四首

浪淘沙

點絳脣

九籥前集詩目錄終

九籥前集詩目錄

九齋前集詩卷之一

華亭宋欒澄

友人陳繼儒仲醇甫

樂府

擬自君之出矣

自君之出矣蛾眉無時開  
思君如燃燭淚盡寸心灰

明珠詞

離離匣中珠用陳君子前一祝君心明再祝君心

堅

少婦詞

客從遠方來道經故人地  
旣道故人顏復致故人  
意

其二

郎約妾家來鵲噪成密  
識月色入黃昏爲郎開酒  
禁

其三

群鴉呼霜中始覺羅衣薄  
秋老五更長火樹桃花  
落

其四

閒來入山徑谷口浮雲起天風促雲飛悞落梧桐  
子

其五

秋色別山中郎來似較晚仗酒欲悲歌騫然落檀  
板

其六

郎從故鄉來芙蓉花在否可憐徑寸根與情共不  
朽

採蓮曲

採蓮何旖旎願得重生根以坐郎其上花大如車

輪

歌者有守嘲之一解

兩耳貯歌聲兩目傾舞袖耳目有遺情眉額無間皺

二解

桃花三日前朶朶附故枝儘教風雨後瓣瓣婿前池

三解

更衣拔短刀斷儂杯中酒纔分還復連到底不得剖

三解

邀歡姑少住歡云不得住歡留似彈燭刻刻將心去

五解

捉指燒炭上指爪起青烟火中雖熱痛還減憶郎眠

六解

欲掬相思淚傾向大海中情知毫無益不與衆流同

七解

提壺瀉玉碗炙口難下咽莫令酒稍溫不得郎心  
熱

八解

雨天蠟雙屐故向泥中行天晴洗泥去足下不留  
情

烏江詞

舟曳曳今下來念江東今無材駿馬今綏綏思美  
人今徘徊

清明詞

伯姊留江都諸姑嫁襄陽隨娘哭阿父楓樹隔年

長

游湖詞

後園桃花明儂嫌杏花肥大姊過花間蛺蝶夾之  
兩傍飛寄語白馬郎及時來看莫折以歸

梅花詞

澗水落梅花風來泊不定長江濶波濤郎能識水  
性

子規詞

郎客錦官城耳中熟杜宇夜抱好女兒聽作莫歸  
去

白雪詞

白雪照梅花梅花黃梅花黃似妾三月鏡前粧

擊獐詞

二十夫婿玩酒坐呼奴逐獐斫作脯但擊獐子莫  
殺獐母令之蕃息供鼎俎開門日日喧鐘鼓

祠山寒

請客風送客雨龍池水喧來婦女

采葛詞

餽糜餽糜去歲絲采桑采葛刈麻泉淫淫白浪時  
葦航奚所之

夜度娘

東山月將出儂行不須燭來去桑麻中莫教驚布  
穀

桃花怨

小妹顛花下屈枝吹花口三月欲去來回頭妬楊  
柳

梨花詞

桃溪溪柳綿綿輕薄少年不寧錢粲女太白梨花  
前

櫻桃行

櫻桃四五丈明明垂珊瑚留枝醉黃鳥逢茲玉臂  
採已多玉臂爲誰爲小姑

楊柳詞

如胡麻織春紗如韎韐上客旋歸衣薤藹

橘柚

玉牀月闌砧聲露肅遠人饑渴艾介福

楊柳

君子西征黃鳥來斯君子歸止蟬鳴素枝豈伊哀  
樂時也信之

笠澤詞

魚尾尾以揚波水滔滔而西下湖之神曰胥者

其二

而土膏而備墾而而木榮榮而而神烟馨香而祚而

洞庭子夜四時歌寄內

山色連湖色梅花動晚風更開天上月人在水晶中

其二

二十在城市不見桃李花包山春分過枝枝臂紅紗

其三

春茶綠過水烹作蘭盞香買時穀雨後自種雨前  
嘗

其四

環園桑百株吳女慣養蚕持筐助採葉玉指動蘿  
烟

其五

石榴勝桃花枝低附前堦一朝髻邊橫英英照玉  
釵

其六

六月圍松栢澗水作泠聲白頭翁對語架上蒲萄青

其七

從來消暑灣十里荷花水衿裯到秋風山人賣蓮子

其八

剝菱浸水中與玉無分別露下添青衫臨湖賞新月

其九

早起望門外楓紫菊花黃抽簪嘗新酒餘瀝潤珠

囊

其十

霜露明瓦上蕭蕭多西風後圍榻十樹綠葉覆新紅

十一

屈指其歲杪黃雲無盡日長夜廢燈油纖縑日一匹

十二

天寒停刺繡白雪雁中飛黃昏漁火密欸乃醉人歸

十三

纖手轉銀鈎開簾喚鸚鵡指爪莫教長他年樹花  
果

白團扇

文絲裁芙蓉挾之紗兩重汗生紗貸白花與玉顏  
紅

其二

嬋扇遮團月分影透紗來歡身如月色不待小窓

開

綵繒

醉去人多語春歸鳥不言色絲繡桃李那畏落花  
天

續華山畿二十首

妾如堂上燭心熱淚應流君如唧刀龍一生不轉  
頭

其二

左手把一刀右手把一劍刀劍上下磨兩情熱時  
見

其三

打碎浴手盤  
妾當自頸歿  
非是畏歡歸  
朝暮停  
爾

其四

碾碎一掬米  
安置蟻穴口  
今日莫遠行  
雙雙暫相  
守

其五

女兒奪剪刀  
弄斷機上絲  
總然接得好  
何如未斷  
時

其六

燒香博山鑪手提金香筋鑪中煖復寒與爾竟何預

其七

儂寔人心腸又似青天面自從風雨中一樣難相見

其八

當作簷下椽莫作簷上瓦風雨瓦支吾椽頭搖鏤馬

其九

養魚硯池中水淺弗及背生歿洗不清終身受君

累

其十

涕泣嚙指甲感此重悲傷  
郎情無斷絕指甲那能長

十一

教郎射蜻蜓箭從翅下過  
阿郎中不中蜻蜓只怨我

十二

屋上生青草烏雀生草蟲  
蕃滋供汝飽主人不縱容

十三

畫上一小船終日泊山底船中增阿郎船當自移徙

十四

舊人若衣食新人若歌舞惟有所歡人刻刻心頭過

十五

中夜讀藏經佛碎千輻輪郎心佛念堅朱門等微塵

十六

人生汗毛數神僊不能道比着阿郎心汗毛居然少

十七

郎從人腹生慣愛馬背坐夜夢操長刀殺馬不論數

十八

乳燕未識路稅翼楊柳陰但知他鄉樂肯動故鄉心

十九

妾淚隨郎下交流忽兩合同向枕上乾無復生離

別

二十

日月限短長冬夏定冷煖人心難度量一日千萬轉

趙宋樂府

渡江曲

男兒心膽粗婦人畏風波風波不傷人蒺藜花發

江南春

趙佐

風箏詞

清明三月桃花候一心一線郎須守莫隨飄風落

人後

趙

骨格彈風半天欵  
寸麻繩手中轉  
麻繩在手紙  
斷絕重與他人弄風月

宋

清明詞

地下骷髏眼無淚  
兒孫哭罷花間醉  
花不開鬼當

餒

宋

來哭者婦見哭者夫  
江南生身江北食  
小姑娘嫁與

襄陽客

趙

桃詞

人心長清明  
穀雨愁何妨  
人心短穀雨  
清明見冷

媛

趙

昔如花開時蜜蜂蝴蝶貪嗅痴  
今如花開後蜘蛛織網守白晝  
宋

石馬詞

失足在澗回頭誰戀松柏榛榛摧而爲薪君不見  
白楊枯死東陵路石馬折脚清泥坐  
趙

耻而不食青草滿足驥耶駑耶雌雄不伏泥中居  
不可驅往來金鞭玉勒愁何如  
宋

相逢詞

月光拈花接衣架鈎住郎船楊柳下水中青蒲劍

花白爲儂劃碎郎船行不得

宋

羊頭尹啞馬足遷次宛額芳眉道傍迤邐

趙

郊馬詞

赭白在郊玄黃在廐生而不殊勞于何有油油稠  
桑不及樗朽

宋

春草綠何少牽馬臨古道馬齒賽過刀何不同頭  
斷苦蒿

宋

髡髻詞

髡髻高礙花梢草蟲上頭奴心焦似郎背後來動

搖

宋

鬢髻高高過帽匣中鏡小不堪照歡不歸心如灰  
整不整今問阿誰 趙

楊柳詞

大枝折來插水湄小枝折來贈別離綠衣斷送千  
樹紅秋風不死因心空 宋

東遷西遷道傍籬邊不如守故根葉相連 趙

花瓶詞

花瓶插花花不了滿頭翡翠丹砂老阿郎有心奴  
不道 宋

金陵詞

江滾滾兮濩濩車遥遥兮碌碌胡兮胡兮不祿龍  
兮龍兮守其國 趙

江爲池山爲雉古今英雄得之耳 宋

桑葉詞

桑如齒玉臂雙雙哺蚕子桑如錢不得抱郎上床  
眠桑如掌寶釵蒙塵鏡臺上妾身憔悴郎心蕩舊  
織吳綾愛新樣 趙

喜逢野蚕食苦遭桑婦採野蚕作繭酬桑枝蚕婦  
桑多上街賣 宋

哀華川痛亡卒也

良家少年輕耳目安居仰戴朝廷福  
嬭前對岐路朝朝燒紙臨岐哭借問臨岐哭者誰  
去年西征帳下兒直渡黃河擒反虜  
賞得添花忘困苦旋移曲伍鳳皇城  
幕府金符曉夜行驃騎龍韜足膽  
畧十萬東夷三萬兵雨雪紛紛師  
再捷烟水茫茫山萬疊狹岍奇兵  
魚鳥來將軍奮勇三軍怯親朋  
隔絕華川頭尸骸暴露驪果州  
雖然無預國家事西閉玉關漢  
天子釜山行長未全回能保夷人  
去不來再來復出平安道老婦無  
兒喪荒草鴨綠秋冬轉餉難鳳  
山春夏還軍好君不思天下大封  
侯

小又不思碧蹄若失李將軍山海狼烟雜五雲宗  
周之闕恤發婦區區一兒曷足數無力男人終日  
行有心婦女常年坐

胡無人懼將來也

胡無人天有晴明歲有春鴛鴦瓦凍辭開塞亦李  
花飛奏捷音捷音雖奏人未反仍急征夫與漕輓  
滿朝文武周召倫倚仗將軍班定遠定遠邊勲第  
一功玉龍啣劒虎生風去年白旄賀蘭北今年黃  
鉞混同東父子諸昆人罕見懸鵲聯蟬世所羨胡  
夷歎塞千萬年白頭不覩撓搶面胡無人兮妾有

言東南財力傾輸邊小人啼號君子笑行恐將軍  
頭皓皓

天上謠不忘危也

去年胡兒孤山前金釧粧弓玳瑁鞭今年與夷開  
城戰蔬飯將軍大宛蹇玉冠銀艾爭好奇好奇無  
復保氏時火雲武帳分秋色心前會想青蒲客騶  
虞白雉未有期正是九重宵旰日中原最慮不逞  
徒一時暇豫何其疎

思婦吟憂國計也

國初兵馬八十萬單于稽顙夷王憚斗量珠玉車

輦金禾黍秋風花爛熳兩年才斗四郊多司馬司  
農柰若何金嶺銀池官與客玉簪廟養一事無可  
憐白頭掩面泣饑寒忍看兒孫出鐵裏爭頭血換  
糧寶刀遲悞封侯骨關山往返何遷延家有舅姑  
糧在田欲代征夫苦無力且拔銀釵先助邊

促促曲有所思也

促促何促促石碎心頭顏削玉流塵續帶蟾作蠶  
朱絃綠綺沉金屋龍珠計日二千三鳳曆別時一十

六露井磨針穿繡魚寶釵買魚不寄書沉吟欲借  
刀環月截殺銀河汗血駒

促促慢廣志意也

促促何促促庭前野花含露宿日月紗窓短鏡光  
弓鞋塵淨如歸鞦鄰家女兒工笑呵朝翻瓔珞暮  
鳴珂斷腸花落紅心草折柳枝傳白苧歌朝朝暮  
暮常如此手中彈挾相思子妾身不作望夫石還  
從鍊石補天灰鍊石補天不可忘縮地神仙費長  
房補天縮地心無極補却西南縮夜郎

促刺行遠離別也

促刺促刺閒過日天子軍兵不得力曉起橫持  
鸚鵡刀裁却錦綾千百匹十萬干戈一兩年幾見

忘苑枯花深隱啼鳥桑綠引羅敷絲管列華堂中  
夜將如何燕趙之少年高陽無酒徒終身事服食  
雲路終峨峨朝霞奕車蓋瞑海羅囚俘何如縱心  
志醉飽聊相娛生無高漸筑汶汶朱家奴

代內

二十不識字覩面稱書生耳語謂細君携手山中  
行細君自有姑謙讓辭不能事姑百年後滿意事  
食貧展臂彈其鼻髯黥何所名

代內 答

皎皎春三月黃鳥鳴高枝桃李敷其榮東風日參

九  
差良人在遠方何以明相思願得雙飛翼執一見  
之明鏡掩塵埃眉額無光輝浩浩江水長頽鯉違  
追隨浮雲翳中天日月功德卑君子志四方脍鱖  
乏良媒相知惜不售携酒祝君歸酒傾澗中水白  
石自纍纍

欲歸

有客禹期山孤心不自主杜宇勸人歸黃鳥留人  
住人去與人歸約待春同去

過巖灘弔子陵

幼年學識字偶爾遇光武非有要結心康衢同道

路嗟彼中興業龍鳳多辛苦羊裘豈故然畏寒一  
漁父帝乃好名者駕言思故人微時妻子廢舊交  
安足論果如堯舜志寧其欲我臣足加帝王腹聊  
以示主賓翻然拂袖去從此不可卽釣鉤免屈伸  
魚餌得休息譬彼擊壤人終身忘帝力弔橫有童  
心吊原傷憤激長揖茲山巔千秋俱爽逸或卑狂  
奴態富春乃釣名或高先生誼巢許同其清我生  
千載下無心亦無情徒傷世俗志沾沾辱山霽

遊燕

賤子行遠役夢寐懷梁津從橫意所向揣摩耻干

秦富貴能輕士鬼神好戲人明珠無媚骨神龍乃  
能折腰闡者前自愧匪素心天地我參兩堯舜  
我主賓轉轉今日志猶與時人倫顧形貌表敝仰  
視浮雲尊勾芒引雷電爲雨爲陽春

咏史

贈客

蛟龍得雲雨終非池中物奈何壯士身鬱鬱守窮  
迫窮迫匪他故四海無知識苟其遇英雄如鳥生  
羽翼片言平天下頃刻除荆棘卑哉管樂儔嗟我  
誰其匹相幾而度時天授非人力舉世皆瞽盲安  
知有月日危心且深慮屢矣勞筋力冉冉歲云徂

耿耿苦髮白寄語越勾踐揮戈每相憶

其二

蛟龍患蟲蝟奮翼揚蒼穹虎豹苦饑寒震吼生猛  
風大夫不得志奮志立奇功奇功竟何如耻與良  
平同微顯至尊前短長公卿中爲德千萬世生殺  
等天公日月可轉移伊傳敦其庸非不樂賢聖誠  
恐同顓蒙謙則稱小子傲則稱乃公三十將有爲  
狐鼠徒凶凶

其三

舉世無英雄誰與言奇事舉世無任俠誰與言情

卷之二  
一  
歿所以隆準公千載名如此不然魏武帝風流亦  
可爾

送周千侯歸合肥

神龍潛本質匪血終不張丈夫有深意匪時不輕  
嘗藏彼鱗與甲聊如豕與羊徒步黃金臺縱心恣  
徜徉逆旅遇王孫束髮事戎行受書圯上老執戟  
尚書郎猛心壯不遂髮髮羅秋霜王師罷西討旋  
聞收東疆夷王旣稽首胡馬亦遠驤四海崇威德  
卜年方未央不如挾詩書樂此時運昌送別易水  
頭執手互彷徨荆高肉秦土流水何湯湯撫膺報

知己落魄行何傷世人貴耳目書生擅雌黃所以  
延津劍千載韜其光誰能沒淵底一探鋒與鉞臨  
岐起長嘯絲竹慎高唱

九籥前集詩卷之三

華亭宋林澄幼清甫著

友人楊忠裕世叔甫校

七言古

晚泊

有雲浮天衣落日曰赤曰黑爭吐色  
禿楊別水豈秋意枯草蕤岸非春顏  
野人二人坐一船上下其首橫波眠  
此時愁心易感激其聲有若來鴻然  
夕陽不待暗風急海潮東歸竿櫓立  
酒旗何處家閉門多少征人起復入  
何當佳士相追尋興復不淺

語亦深城中鼓鼙何沉沉天開明月邀歡心

離思

東方美人字秋美以衣則月以居水鯉魚喙喋河  
梁間來鴻顧盼秋風裏秋風夜入拉管絃夢中目  
成醒不然雙淚然燈燈苦懸憶君恩情多所言

自金陵抵燕留別家從兄

浮雲離離媚遠天遊子意緒多淒然梧桐蕭蕭下  
苦葉短竹沉沉生冷烟此時一鞭行薊北秋色秋  
聲莽相續從橫不敢避蘇君詞賦行將讓枚叔秣  
陵歸路慰加餐塞北天南好問安他鄉談笑關山

月故國低回行路難夾岼芙蓉分劍色驚鳥凌風  
旋六翻灘頭水清石依依其中黃者帝者師

送家二兄就試秣陵

秋風七月多商聲起視星辰從且橫鷄聲咿喔人  
交語螢火疎微月半明昔年燈火同深夜風雨清  
光相慰藉蟬翼時時鳳借毛駑駘往往龍驂駕自  
從一別參辰分燕市歸來莢李新池塘靈惠矜神  
句宛洛機雲笑隱淪赤董初融鋒不測華陰已拭  
光無極會見蓮生彩筆花俄驚柳換青衫色莫愁  
河上騎如霞莢葉灘頭女似花倚醉鳴珂時有會

着鞭策馬思無涯小弟村居貧且賤聊向來鴻歌  
宛轉平陰之役讓先鳴于珂之盟恢三戰

送洪二北上

丈夫無所志所志在功名丈夫無所耻所耻在無  
成少年百事了無預獨守青衫髮如許寒夜銀花  
倚玉山黃昏螢火森珠樹一朝振翼青雲中火雲  
雜姪旌旗紅青髻裏香侵叢桂朱顏醉色借芙蓉  
雨雪依霏馬北首劒氣煌煌集牛斗棄繻斷令傳  
舍驚應詔盡稱牛馬走曲江三月花生烟蕊花水  
迅雷闐闐鳳凰池和陽春曲金馬門攜百一篇碣

石依稀舊遊地所恨無才辭擁篲何時東海把鰲  
骨與君一醉扶桑日

九籥前集卷之四

華亭宋楙澄幼清甫著

友人沈時來君大甫校

五言律

酬洪二

車駕雖輕顧虛名敢遂安驪珠終自惜荆玉許誰  
完月滿遲行意秋多助酒寒帝鄉千里外太史湯  
相看

遷居會月

安土吾初意離鄉有是非兒童偏解淚鷄犬亦相

依廢井新苔色空房冷故衣家人屈指計萬一月  
中歸

遷後規叔父

獨坐悲風起皇天問索居不能丘隴別未敢故鄉  
踈酒綠思啼鳥花深斷板輿乘雲寄幽夢寢食近  
何如

至夜

老父經營地今栖不肖身良時惟獨酌新月許相  
親別久奴俱淚音踈夢未真傳聞有方鏡肝膽照  
中伸

夜境

試問人間世如何有不平呼天數行淚自訴幾時  
明欲漏燈無色孤魂夜有聲臨燈撫長劍赤電繞  
雲旌

燕寢

黃葉如飛下西風作大寒故鄉高處望尺素夢中  
看耳畏鴻聲咽顏憑酒力寬銀燈相對久清淚幾  
時乾

獨步

春光隨客至花氣潤山中鳥綴晴沙翠魚翻撥刺

紅杜圻留越客金鼎去吳宮美爾桑麻地惟餘桂  
楫通

遠望

憑高思故國暮色翠微宮梅久踈新月山多失遠  
蓬野筵蔬及菓村酒綠兼紅乘興容舟楫相將待  
好風

其二

主稱君子國客住大夫松細草工春翠殘梅薄雨  
紅水寒魚戀澗城遠巒群峰泛泛飛蓬影參差落  
照中

夢後

客久愁無寐風濤此夜長遊魂迷故國夢語涉他鄉  
雨助春山綠花窺角枕香祇疑歸鴈信雲路失瀟湘

晚色

落日千林紫漁舟聚淺灘飛蓬雲外沒野鳥望中  
還寺小藏深樹潮寬點亂山一尊頻對此無意羨  
人間

林屋洞

巨浸疑千里探奇買棹來上真梁國建角里漢人

開橋袖滋山氣風濤近夜臺暮雲陰丙洞欲御燭  
龍回

登高以遠望

稽首群靈祀臨流奠酒杯榜人繁菓熟漁父趁風  
迴水漲山浮翠雲歸月滿臺相傳無雉雉爲有鳳  
凰來

洞真宮

晴日東南望波濤不忍看吳歌君自好俗禮我行  
難見鷺參雲色鼉鼉激水寒毛公丹井處鍾乳老  
黃冠

桃花

短牆桃競發何似美人歸  
笑雨魂生夢無風態若  
飛梨花私粉黛燕子問紅  
衣爲語西王母東方可  
暫違

遠況

儒稱白虎觀舟勒赤烏年  
河北非吾土江南別有  
天小星生落日疲馬畏長  
鞭題柱從來志低回濁  
酒前

秋夜遲月晉二座得松字

漏入未央鐘衣冠選勝逢  
候遲今夜月雲隱一庭

松銀燭搖寒色秋風煞酒容星光如有待螢影更  
重重

過沉河

風猛辭孤嶼紅顏弄小舟鳥飛窺楫浪魚尾試銀  
鈎曉日雲衣薄殘星水面收此中多宅舍安穩屬  
陽候

歲暮

南冠短髻侵歲月廢行吟守到梅花白看他歲月  
深蛟龍輕故穴鳥雀戀長林自笑謀身拙追從廢  
討尋

白下示洪二

欲度秦淮水相將上板橋  
星沉燈影重雲渡月光  
遙士女迎秋簾將軍遠射鵬羽書朝夕至故壘隱  
漁樵

春客

歲歲爲遷客今宵又有行  
月流寒渚細風引片帆  
輕楊柳逢春思殘水蕩遠情  
所嗟樓上女掩抑事  
逢迎

寄從兄述懷

少年輕意氣不識苦饑寒  
能騎健馬慣欲別好花

難逢人避長揖愛色懶求歡蕭蕭古天地多向醉  
中看

其二

人間既有命行藏亦屢遷賣文非我意縱酒豈徒  
然柳色江頭水桃花馬上天男兒重七尺未擬受  
人憐

其三

此生無一技誰復容我狂晴天舒綠酒好夢緩黃  
梁凍解魚初躍花稀鳥未藏丈夫志四海萬里亦  
難量

月中寄洪二

他鄉一輪月故國十年心對此頻相失追從久未  
任遠雲懷驛路細草隱花陰欲發登樓思沉吟夜  
已深

春山同張大陳二

小艇出孤城春潮細淺明風更帆乍轉花落雨無  
情御酒忘心事看山聽鳥鳴莫教乘返照新月送  
人行

宿泖上塔同陳二迭王大

日暮風逾緊扁舟此暫依沙明魚隱見岸遠鳥來

稀旛帶沾花雨香烟近佛衣中流聞欸乃疑是老  
僧歸

憶別

岐路輕分手其如別後何病因花下重心向酒間  
多明月臨銀漢蘼蕪托水波往時無限約寒煖恐  
蹉跎

與海門朱大

生平二十四白髮早參差仗酒悲心壯看花發興  
遲張儀舌在日范叔齒虧時迴首倚閭處長途轉  
自疑

懷瑯琊王五

絕壁此中平  
淒清斷送迎  
草長苔借潤  
澗澗溜無聲  
新鳥去還至  
淺雲輕且明  
遙聞山頂上  
隱隱若吹笙

潤州夜自解

野店無人語  
孤燈酒一尊  
管絃迎絳節  
鍾鼓定黃昏  
鴈訴沙場苦  
猿啼瘴窟恩  
所慙情與俠  
齒長未能言

答陳二

嗟我窮途日  
憐君及念時  
未能酬一飯  
何以報睚眦

毗衰柳期春暖枯魚幸雨私壯年懷遠道深愧問  
安危

蕪城病後得劉七信

起色昏鍾後加餐佛座前持齋常在願於肉久無  
緣月黑星辰密燈青刻漏遷夷猶聊睠眄微咏白  
駒篇

不礙

明月簷溜下含麗揚清輝風動帳流色花陰香近  
衣冰冰涵簾影螢火謀蟲飛樓中浪子婦對此操  
思歸

燕邸感夢七首悼亡婦

當年玉枕上曾約一生來  
頽鯉從江水紅妝入夜  
臺魂銷形失影氣冷淚枯腮  
脉脉蓮花路看他並  
蒂開

其二

故國三千里離魂四五年  
芙蓉猶不改翡翠尚依  
然雲鬟籠金帳珠簾鎖篆烟  
月中青鏡裡來去若  
翩翩

其三

浪子多心事關山誤曰歸  
生離花濕露處別夢牽

衣寶匣明璫冷紗窓翠草肥春來杜鵑下如覩子  
規飛

其四

盟約千年後恩深四載餘曾聞拋鳳館止爲恨魚  
書玉洞桃花杳瑤臺月影虛人生多去所比目感  
離居

其五

擁被持金鼓私心與月謀饒他滿眼淚贏得一生  
愁馬齒疑雲路蚊髯耻帶鉤依依桑梓處搖落幾  
番秋

其六

除却三生癖，俄驚千載疑。  
金甌分別處，玉手奉羹時。  
對月花臨鏡，逢堤柳畫眉。  
山頭望夫石，移作峴山碑。

其七

憶昔逢殘臘，吹簫下碧空。  
金蓮月淺淺，銀燭夜重重。  
梅借妝臺粉，椒傳玳瑁紅。  
平居思此景，愁恨滿春風。

觀兩臺閣視三營

漢家熊虎士，十萬護京華。  
星影翻旗帶，刀痕疊露

花連營車列雉發仗馬飛沙胡虜俘前輦還家日  
未斜

再入長安

長安多好月夢斷蒲孤衾水陸關心事艱難恨雨  
淫餒思交道遠寒切火恩深不寐生長嘯遺音入  
短琴

寒月

東海如絲月重來上竹床空餘梅影瘦無復菊花  
香淚冷水生枕途窮水有糧舟中頻對此河水共  
蒼茫

哭樂二

有客浮屠內傷心下馬鞍燈烟依舍利蔬菓侑檀  
檀北嶺無心白西風黯自寒可憐吳市酒幾度到  
長安

示焦三

海內精誠薄焦郎獨有神桃花開兔影珠澤媚龍  
唇曾對清溪月相看白下人兩心無可語禪意好  
相論

題武安王廟

將軍旣神武英爽亦超群魯史青藜杖神駒汗血

文魚疑三峽水鳥恨楚山雲風流魯子敬尊酒每  
相聞

招從二兄飲

離居因畏暑來日願相將避熱乘朝露持杯傍晚  
涼新蟬初試語醉竹半餘香此後饒明月多應仰  
屋梁

五言排律

春日周氏庄

二月東風煖桃花爛熳開他鄉色無恙詩思望中  
來美饌漁舟任春紗冶女裁柳枝迷百舌馬足快

莓苔頻就鄰人語多悲景物衰山深閒廟貌湖遠  
俯高臺坐久行雲暮溪深逝水哀飛僊笙度曲馴  
鹿樹深迴歸路同明月相將更幾杯